



Ք Ա Ղ Վ Ա Մ Ք Ն Ե Ր
ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԻ ՆԻՍՏԵՐԻ
ԱՐՁԱՆԱԳՐՈՒԹՅՈՒՆՆԵՐԻՑ

1958 թ. ՍԵՊՏԵՄԲԵՐԻ 9-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԻ սույն նիստում կարդացվեց Վրաստանի հայոց թեմական խորհրդի նամակը՝ Թբիլիսիի հայոց Ս. Գևորգ եկեղեցու վերանորոգության մասին:

Ժողովը հավանություն տվեց թեմական խորհրդի դիմումին և որոշեց Թբիլիսիի Հայոց Ս. Գևորգ եկեղեցու վերանորոգության համար հատկացնել 46 000 ռուբլի՝ թեմի 1958 թվականի ծախսերի հաշվին:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ իր սույն նիստում քննեց նաև «Էջմիածին» ամսագրի խմբագրության առաջարկը, Մայր Աթոռի կյանքը և Հայաստանյայց Առաքելական

եկեղեցու փորձունեությունը քրիստոնեական քույր եկեղեցիներին ծանոթացնելու նպատակով, առաջիկայում, Մայր Աթոռի տպարանի հաստատումից հետո, անգլերեն և ֆրանսերեն լեզուներով տարեկան 3—4 համար մի պարբերաթիվ հրատարակելու մասին, որպես հավելվածական հրատարակություն «Էջմիածին» ամսագրի:

Գերագույն Հոգևոր Խորհուրդը հավանություն տվեց խմբագրության առաջարկին:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԸ իր սույն նիստում վավերացրեց Հոգևոր Ճեմարանի 1958—1959 թվականի ուսումնական նոր տարվա դասախոսական կազմը:

1958 թ. ՍԵՊՏԵՄԲԵՐԻ 16-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴԻ սույն նիստում կարդացվեցին վրահայոց թեմի առաջնորդ գերաշնորհ Տ. Կոմիտաս սրբազանի և Շիրակի առաջնորդական տեղապահ հոգեշնորհ Տ. Հայրիկ վարդապետի դիմում-

ները իրենց թեմերի կարիքների համար, թեմական բյուջեի հաշվին, մարդատար ավտոմեքենաներ ունենալու մասին: Գերագույն Հոգևոր Խորհուրդը որոշեց բավարարել այս դիմումները:

1958 թ. ՀՈԿՏԵՄԲԵՐԻ 6-Ի ՆԻՍՏԻՑ

ՎԵՋԱՓԱՌ ՀԱՅՐԱՊԵՏԻ ԾՆՆԴՑԱՆ ՀԻՄՆԱՄՅԱԿԻ և դահակալության երրորդ տարեդարձի բարեբաստիկ առիթով, Գերագույն Հոգևոր Խորհուրդը որոշեց Վեհափառ Հայրապետին նվիրել հայրապետական ոսկե-

ծուլ և ադամանդակուտ ԱՐԾԻՎ, հայկական ոճով և Երևանի հայ ոսկերիչների ձեռքով պատրաստված, և նվիրել հանձնել հոկտեմբերի 12-ին, Մաղկյա դահլիճում, պաշտոնական շնորհավորության ժամանակ:

1958 թ. ՀՈԿՏԵՄԲԵՐԻ 15-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԻՍՏՈՒՄ
կարգացվեց Երուսաղեմի Միաբանական
ընդհանուր ժողովի միջնորդագիրը, Բաղդա-
դի առաջնորդ հոգեշնորհ Տ. Զգոն ժայրա-
գույն վարդապետ Տեր-Հակոբյանին եպիս-
կոպոս ձեռնադրելու մասին: Գերագույն Հո-

գևոր Խորհուրդը որոշեց հարգել Երուսաղե-
մի միաբանության միջնորդագիրը և խնդրել
Վեհափառ Հայրապետին՝ հոկտեմբերի
19-ին, կիրակի օրը, եպիսկոպոս ձեռնադրել
Տ. Զգոն ժայրագույն վարդապետին:

1958 թ. ՆՈՅԵՄԲԵՐԻ 4-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ալսօրվա
նիստում լսվեց Վեհափառ Հայրապետի զե-
կուցումը հոբելյանական հանդիսություննե-
րի անցկացման և Մայր Աթոռում հոկտեմ-
բերի 16—23 օրերին գումարված եպիսկո-
պոսական ժողովի մասին: Գերագույն Հո-
գևոր Խորհուրդը խորունկ գոհունակությամբ
արձանագրեց Վեհափառ Հայրապետի զե-
կուցման առթիվ:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն
նիստում կարգացվեց հունահայ թեմի Աղ-

գային կենտրոնական վարչության 11 հոկ-
տեմբեր թվակիր նամակը, հունահայ թեմը
Ս. Էջմիածնից բաժանելու և Անթիլիասին
ենթարկելու փորձի մասին:

Գերագույն Հոգևոր Խորհուրդը քննության
առնելով հունահայ թեմը Մայր Աթոռ Ս. Էջ-
միածնից բաժանելու փորձի մասին վերո-
հիշյալ նամակը, Ազգային կենտրոնական
վարչության որոշումը գտավ հակականոնա-
կան և այն համարեց չեղյալ:

1958 թ. ՆՈՅԵՄԲԵՐԻ 13-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն
նիստում լսվեց Վեհափառ Հայրապետի
ծննդյան հիսնամյակի և Գահակալության
երրորդ տարեդարձի հոբելյանական հանդի-
սությունները անցկացնող կենտրոնական
հոբելյանական հանձնաժողովի նախագահ
պրոֆ.-դոկտ. Ա. Ղարիբյանի զեկուցումը՝
հանդիսությունների կազմակերպման և անց-
կացման արդյունքների մասին:

Գերագույն Հոգևոր Խորհուրդը գոհունա-
կությամբ արձանագրեց, որ հոբելյանական
հանդիսությունները անցան պատշաճ վա-
նելություններ և հաջողությամբ:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ սույն
նիստում քննության առնվեց Մայր Աթոռում

գումարված եպիսկոպոսական ժողովի կա-
տարած դիտողությունների և ճշտումների
վրա սրբագրված Սահմանադրության նա-
խագիծը:

Գերագույն Հոգևոր Խորհուրդը հետ քննու-
թյան տրոշեց հավանություն տալ Սահմա-
նադրության նախագծին, այն ուղարկել բո-
րոր նվիրապետական Աթոռներին և թեմերին,
հրատարակել մամուլում և ենթարկել համա-
ժողովրդական քննարկման: Սահմանադրու-
թյան նախագծի շուրջ արված վերջին դիտո-
ղությունների և սրբագրությունների հիման
վրա, խմբագրել վերջնական նախագիծ և
այն ներկայացնել 1960 թվականի Ազգային-
եկեղեցական ժողովի քննությանն ու հաս-
տատմանը:

